

Oqaasiliortut Ataatsimiinnissaat
Ataasinngorneq marsip 23-anni aamma 25-anni 2009 nal. 10.00
Ilimmarfimmi Oqaasileriffiup ataatsimiittarfiani.

Peqataasussat: Ellen J.Karlsen, Abia Abelsen, Eva Møller Thomassen
aamma Carl Chr. Olsen


Allatsi: Katti Frederiksen, Stephen Heilmann napparsimanini pillugu
ataatsimiinnerni marlunni peqataanngilaq.

Oqaluuserisassatut siunnersuutit:

1. Tikilluaqqusineq
2. Kingullermik ataatsimiinnermi marsip aappaanni imaqarniliap
akuerineqarnera
3. Saaffiginnissutit suliassartallit
 - a) Nunatta Atuagaateqarfianit
 - b) *oplevelseserhverv* kalaallisut
 - c) oqaaseq *sanavaa* atuakkiamut tunngatillugu atorneqarsinnaava?
 - d) Kultur, fritid og forebyggelses forvaltning
 - e) UNESCO Site Manager aamma Park Ranger
 - f) anniaammik naalagiarneq
 - g) vitamin, mineral aamma tranebær
 - h) funktionsoverenskomst
 - i) Sluk lyset Sermersooq
4. Allat

Inussiarnersumik inuulluaqqusilluta
Carl Chr. Olsen
Siulittaasoq

Katti Frederiksen
Allatsi



- 1. pillugu -

Siulittaasup tikilluaqqusereernermini nalunaarutigaa Oqaasileriffimmiit nalunaarut ukiumoorloq saqqummersimasoq, taamaattorli kukkunerisioqattaareerneqaraluarluni naqinneqarnermini kukkuneqarnera ajuusaarutigalugu Oqaasiliortut kaammattorpai kukkunerit nalunaarummi maluginiakkatik Oqaasileriffimmut nalunaarutigilaaqqullugit.

Taamaaliortoqareerneqatigut nalunaarut sineriammut susassaqtartunut siammarterneqarluni nassiussorneqarsinnaalissammat.


Kalaallisut qallunaatullu atuartsinerimi taaguusersuutit Inerisaaviup suliarisimasaa Oqaasiliortunullu ingerlateqqitaq pillugu oqallinneqarpoq. Standardimik atuiartuaarnerup tamanit atuleriartuaarneqarnissaa siunertaralugu suliap pingaaruteqarnera ilaatigut erseqqissaassutigineqarluni. Suliamilli ingerlatsisuusuni taakkunani pingasut Oqaasiliortunut ilaasortaammata aalajangiunneqarpoq Oqaasiliortut suliamik ingerlatsisimasunik peqateqaratik misissuataaqaarallassagaat, kingornatigullu tamakkiillutik suliaq naapeqatigiissutigissallugu, tamannali angalanerit pequtugalugit poorskip kingorna aatsaat suliarineqarsinnaanissaa nalunaarutigineqarpoq.

- 2. pillugu -

Kingullermik ataatsimiinnermi marsip aappaanni imaqarniliap akuerineqannginnerani naqqiissut aaqqinneqartoq tassatuaavoq quppernerit aappaanni det gyldne snitip kalaallisut oqaasertassaata aalajangiutivinnera, taaguut tassaassalluni **tangertaq**. Ilanngulluguli apeqqutigineqarpoq indianer kalaallisut allaqqanera quppernerit pingajuanniittoq assigiinngitsumik allanneqarsimammat sorliup eqqortuunera. Kukkunaaallu malillugu ataasiinnarmik a-qassaaq, allaqqassallunilu ima: *indianerit*.

- 3a. pillugu -

Nunatta Atuagaateqarfianit oqaatsit ataasiakkaarlugit nalilersorneqartut naammassineqarput, imaqarniliap matuma bilagiatut ilaliullugit



ilanngunneqarput. Tassani immikkut maluginiarneqarlutillu pisortatigoortumik taaguusersorneqartut makkuupput:

Antarktis – Sikuiuitsoq Kujalleq

Antarktiske Øer – Sikuiuitsoq Kujallermi qeqertat

Arktis – Issittoq

Arktiske folk – Issittormiut

Arktisk forskning – Issittumi ilisimatusarneq

Arktiske Øer – Qeqertat Issittumiittut

Ishavet – Issittup Imaa

Polarforskning – Issittut pillugit ilisimatusarneq

Polarlandene – Sikuiuitsoq Avannarleq Kujallerlu

Nordpolen – Qalasersuaq

Sydpolarlandene – Sikuiuitsoq Kujallermi nunat

Sydpolen – Sikuiuitsoq Kujalleq

- 3b.pillugu -

oplevelseserhverv, imatut nassuiaaserneqartoq *”Oplevelseserhvervet er en samlet betegnelse for enkeltpersoner og virksomheder, der med et kreativt udgangspunkt beskæftiger sig med at skabe og/ eller levere oplevelser og koncepter baseret udviklingen af oplevelser.”* kalaallisut imatut taaguuserneqarpoq:

misigisassianik nioqquteqarneq

- 3c.pillugu -

Oqaaseq *sanavaa* atuakkiamut tunngatillugu atorneqarsinnaava?


Uani oqaatsimik atuakkialerinermit tunngatillugu sanavaamik atuisimaneq

paatsoornikkut oqqarliornikkulluunniit pisimassasoq Oqaasiliortut unnerpaat.

Oqaaseq atorneqartussaq tassaassagunaraluarmat *suliariviuk*.

- 3d.pillugu -

Kultur, fritid og forebyggelses forvaltning kalaallisut taaguutaa tassaavoq



Kultureqarnermut, Sunngiffimmut Pitsaaliuinernullu Ingerlatsivik

- 3e.pillugu -

UNESCO Site Manager aamma Park Ranger kalaallisut taaguutissai pillugit saaffiginnittoqarmat saaffiginnittup suliat atorfiillu suussusiinik nassuiaanera malillugu taaguusiisoqarpoq.

UNESCO Site Manager – **UNESCO sinnerlugu aqutsisoq**

Park Ranger – **[eriagisamik] nakkutilliisoq**

- 3f.pillugu -


Anniaammik naalagiartoqassaneranik radiukkut oqartoqarsimanera isoralugu saaffiginnittoq nassuiaanneqassaaq taggerliornerusimannikkuni kukkunerusoq, tassami **anniarsiorfimmik** oqartoqartarmat.

- 3g.pillugu -

Vitamin, mineral aamma tranebær kalaallisut qanoq taaguuteqarnerinik aperisoqarmat, oqaatigineqassaaq qangaaniilli vitamin aamma mineral oqaasersiatut atuinnarneqarnikuusut, taamaattorli eqqarsaatigeqqinneqartussatut isumaliutissanngortinneqarput, tassami siunissaq qanittoq eqqarsaatigalugu nerisassanut timigissarnernullu tunngasut taaguutit arlalissuit aamma kalaallisut taaguuserneqartussaassammata, soorlu tassunga ilaassalluni forbrænding.

Paarnaq tranebær Kalaallit Nunaanni naaneq ajormat immikkut taaguuteqartinneqanngilaq, naggueqatittali oqallittarfiatigut apeqqutilliinikkut paasinarsivoq tranebær kimmernamik taagoraat, naak uagut tyttebær kalaallisut kimmernamik taagoripput. Taamaalilluni erserpoq uagut kalaallit naggueqatittalu taaguut kimmernaq paarnanut assigiinngitsunut taaguutigitikkaat, taamaattumik tranebær kalaallisut qanoq taaguuteqassanera suli isumaliutigineqaqqittussanngorpoq.

- 3h.pillugu -




Siusinnerusukkut Oqaasiliortut funktionær kalaallisut ima taaguuserpaat atorfilik imalt. atorfilittut suliaqartoq, taamaattumik funktionsoverenskomst kalaallisut taaguuteqalerpoq **atorfilittut suliaqarnermut isumaqatigiissut.**

- 3i.pillugu -

Sluk lyset Sermersooq kalaallisut qanoq taaguuserneqassanersoq Oqaasileriffik saaffigineqarami siunnersuusiala assilipajaarlugu atorneqalereersimammat immikkut oqaluuserinngikkaluarlugu ilisimatitsissutigineqaannarpoq ima taaneqarsimasoq: **Sermersuumi Qaminngaalaarneq.**

Inussiarnersumik inuulluaqqusilluta
Carl Chr. Olsen
Siulittaasoq

Katti Frederiksen
Allatsi



Ulluni ataatsimiiffinni oqaatsit aalajangiunneqarlutillu akuerineqartut::

Det gyldne snit – **tangertaq**

Antarktis – **Sikuiitsoq Kujalleq**

Antarktiske Øer – **Sikuiitsoq Kujallermi qeqertat**

Arktis – **Issittoq**

Arktiske folk – **Issittormiut**

Arktisk forskning – **Issittumi ilisimatusarneq**

Arktiske Øer – **Qeqertat Issittumiittut**

Ishavet – **Issittup Imaa**

Polarforskning – **Issittut pillugit ilisimatusarneq**

Polarlandene – **Sikuiitsoq Avannarleq Kujallerlu**

Nordpolen – **Qalasersuaq**

Sydpolarlandene – **Sikuiitsoq Kujallermi nunat**

Sydpolen – **Sikuiitsoq Kujalleq**

Oplevelsesindustri - **misigisassianik nioqquteqarneq**

Kultur, fritid og forebyggelses forvaltning - **Kultureqarnermut, Sunngiffimmut**

Pitsaaliuinernullu Ingerlatsivik

UNESCO Site Manager – **UNESCO sinnerlugu aqutsisoq**

Park Ranger – **[eriagisamik] nakkutilliisoq**

funktionsoverenskomst - **atorfilittut suliaqarnermut isumaqatigiissut.**